

Tus mob Babesiosis zoo li cas?

Tus mob Babesiosis yog ib tug mob uas yeej tsis pom muaj kiag li los yog, tab sis, yog leej twg raug mas tej zaum kuj yuav mob hnyav thiab tuag taus. Tus kab mob yog ib tug cab uas los ntawm zuam los. Nws yuav ua mob rau cov ntshav liab.

Leej twg thiaj li raug tau tus mob babesiosis no?

Tus mob no mas tsis xyeej leej twg li, tab sis, feem ntau yuav raug rau cov neeg laus laus uas lawv lub nruab nrog ces tiv thaiv kab mob tsis muaj zog (yam li, cov neeg uas tau muab tus po phais tawm, los yog cov neeg raug kho tej hom mob khees xaws). Lub caij nplooj hlav, lub caij ntuj so thiab lub caij nplooj zeeg saum qaum teb sab hnub poob hauv lub xeev Wisconsin no, thiab cov xeev nyob qaum teb sab hnub tuaj hauv teb chaws As Mes Lis Kas no, yam li lub zos pov txwv hu ua Nantucket thiab ntawm ntug dej lub xeev Massachusetts thiab lub zos pov txwv hu ua Long Island nyob lub xeev New York mas cov neeg keev raug tus kab mob no. Kuj tau pom muaj tus mob no tshwm sim rau lub xeev California, Georgia thiab lwm cov teb chaws nyob Yus Laus (Europe) thiab.

Tus mob Babesiosis no ri li cas?

Tus mob Babesiosis yog ib tug mob los ntawm ib cov cab hu ua *Babesia microti* uas cov zuam mos lwj muaj. Tib cuab zuam hu ua *Ixodes scapularis* kuj yog cov uas muaj cov kab mob ua kom mob hom mob hu ua Lyme disease no.) Cov nas hauv nras hav nyom, cov nas tsuag thiab cov mos lwj yog cov uas muaj cov zuam no. Yeej tsis muaj kiag los yog, hais txog yuav kis tau tus cab no ntawm kev ntxiv ntshav, tsuas yog tias tsam tus neeg pub ntshav ntawd ho muaj tus cab no nyob rau hauv nws cov ntshav mas kuj ho hais tsis tau thiab.

Cov tsos mob ntawm tus mob babesiosis zoo li cas?

Thaum ua mob mas yuav muaj kub cev, nkees thiab ua rau cov ntshav sab lawm ib nyuag ntu mus rau tsheej lub hlis li ntawd. Cov neeg uas muaj mob rau lawv lub nruab nrog cev kev tiv thaiv kab mob mas thaum lawv raug mas yuav mob hnyav dua. Tej zaum kis tau los kuj tsis pom ua mob li thiab.

Cov tsos mob yuav tshwm sim sai npaum li cas?

Tej zaum yuav ntev li 12 lub hlis mas mam pom cov tsos mob tshwm; kuj yuav tshwm sai dua rau cov neeg uas tsis muaj daim po lawm.

Yog raug tus mob no ib zaug lawm puas yauv tiv thaiv tsis raug lwm zaus ntxiv?

Kuj tsis paub meej tias yog raug ib zaug lawm puas yuav tiv thaiv tau tus neeg kom txhob raug ntxiv.

Yuav kho tus mob babesiosis no li cas?

Tsis tau muaj ib txoj kev kho meej rau tus mob babesiosis no. Tsuas yog siv cov tshuaj tua kab mob nrog rau lwm yam tshuaj uas keev siv los kho cov mob yoov tshaj cum tom hu ua malaria no kuj kho tau qeev leej neeg zoo lawm xwb.

Yua ua li cas kom thiaj tiv thaiv txhob kis tus mob babesiosis?

Tseem ceeb heev uas yuav tsum tswj cov nas tsuag uas nrog neeg nyob. Yog koj nyob rau tej cheeb tsam uas muaj zuam mas koj yuav ceev faj kom koj tsis txhob ho kis tau tus mob babesiosis li qhia nram no:

- Hnav tsho tes ntev, ris ntev, thiab rau thom khwm siab txij plab hlaub thiab muab lub ceg ris ntsaws rau hauv nkawm thom khwm.
- Hnav cov khaub ncaws tsos kob dawb lias mas yuav nrhiav tau cov zuam yooj yim.
- Taug kev hauv nruab nrab kev uas twb txiav nyom tas lawm, kom tsis txhob nphav raug tej nroj tsuag ntawm tej ntug kev.
- Tshawb xyuas saib puas muaj zuam “tick checks” ntawm koj lub cev thiab ntawm koj cov me nyuam tom qab tau mus yos hav zoov tas.
- Yog ua twb zoo muab cov zuam rho mas kuj yuav ua kom txhob kis tau tus mob.
- Cov tshuaj tua kab uas muaj 0.5% permethrin los sis 20-30% DEET mas tiv tau cov zuam mos lwj. Yog yuav siv cov tshuaj no mas nco ntsoov ua raws nraim li daim ntawv qhia ntawm lub raj tshuaj.

DEVELOPED BY THE DIVISION OF PUBLIC HEALTH, BUREAU OF COMMUNICABLE DISEASE
COMMUNICABLE DISEASE EPIDEMIOLOGY SECTION
PPH 42028H (Rev. 05/04)